

Broj: 04-1-1-5793/24

Datum: 14.11.2024. godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 18-11-2024			
Org. jed.	Broj	Priloga	Vrijednost
05/1	-02-	558	/24

Bosna i Hercegovina  
Federacija Bosne i Hercegovine  
Parlament Federacije  
Zastupnički/Predstavnički dom

n/p Predsjedavajući, g.Dragan Mioković

**Predmet:** Veza Vaš akt broj: 05/1-02-558/24 od 23.10.2024. godine

Poštovani,

Vašim aktom broj: 05/1-02-558/24 od 23.10.2024. godine ste dostavili Agenciji za bankarstvo Federacije Bosne i Hercegovine (u daljem tekstu: Agencija) zastupničko pitanje koje je na 14. redovnoj sjednici Zastupničkog doma Parlamenta Federacije Bosne i Hercegovine održanoj 22.10.2024. godine, postavila zastupnica Suada Halilović.

Navedenim pitanjem je od Agencije traženo da odgovori da li je bilo zahtjeva za moratorije na otplatu kredita stanovništva i preduzeća u pogođenim općinama, te koliko zahtjeva je odobreno.

Agencija je odmah po saznanju o elementarnim nepogodama (poplavama) koje su zadesile pojedine općine sa područja Federacije Bosne i Hercegovine odmah reagovala i na vanrednoj sjednici Upravnog odbora Agencije održanoj dana 08.10.2024. godine usvojila Odluku o posebnim mjerama koje banka primjenjuje u vanrednim okolnostima – poplave iz oktobra 2024. godine i Odluku o posebnim mjerama koje lizing društvo i mikrokreditna organizacija primjenjuje u vanrednim okolnostima – poplave iz oktobra 2024. godine, a koje su objavljene u „Službenim novinama Federacije BiH“, broj 79/24 od 09.10.2024. godine. Navedene odluke su stupile na snagu već narednog dana (10.10.2024.g.), od kada se i primjenjuju.

Navedenim odlukama Agencije je subjektima bankarskog sistema (u daljem tekstu: SBS), između ostalog omogućeno da odobravaju olakšice klijentima koji su pogođeni negativnim efektima poplava, a članom 3. navedenih odluka su utvrđene posebne mjere koje SBS mogu odobravati klijentima. Iste mjere su privremenog karaktera i odnose se na pružanje mogućnosti odgode plaćanja obaveza (moratorij), uvođenje “grace” perioda za otplatu kreditnih obaveza, produženje krajnjeg roka otplate, prilagođavanje plana otplate i dr..

Istovremeno, SBS su dužne da za klijente kojima je zbog elementarnih nepogoda pogoršana kreditna sposobnost definisati primjeren modalitet olakšica kako je gore navedeno.

Ugroženi klijenti mogu podnijeti zahtjev SBS za odobravanje nekih od gore navedenih posebnih mjera u pisanoj formi, najkasnije u roku od 60 dana od dana stupanja na snagu ove odluke (10.12.2024.g.), uz prilaganje dokaza da su direktno ili indirektno pogođeni negativnim posljedicama vanrednih okolnosti.

Agencija će po isteku roka za podnošenje zahtjeva imati dostupne precizne podatke o broju podnesenih zahtjeva za moratorij i druge oblike olakšica. Prema neslužbenim informacijama dobivenim u direktnoj komunikaciji sa SBS, preliminarni podaci ukazuju na manji broj prijava (oko 30 klijenata) koji mogu dokazati da su pogođeni negativnim posljedicama vanrednih okolnosti.

Agencija će u okviru svojih nadležnosti nastaviti aktivnosti na ublažavanju negativnih ekonomskih posljedica na klijente SBS i očuvanja stabilnosti bankarskog sektora u cjelini.

S poštovanjem,

  
**DIREKTOR**  
**Jasmin Mahmužić**

*(Blue circular stamp: FEDERACIJA BOSNE I HERCEGOVINE - AGENCIJA ZA BANKARSTVO I FINANSIJE - SARAJEVO)*